

EUA Ajuda Motorizada 15 Ba PNTL

DILI-Estadu Unidus America (EUA) liu husi organizasaun Internasional UNODOC, apoiu motorizada hamutuk 15 ba Polisia Nasional Timor Leste (PNTL).

Embaizadora America iha TL, Kalen Stanton hatete katak apoiu ida nee atu tulun servisu PNTL ninian iha fronteira, liu-liu atu hodi halao patrolhamentu. "Ekipamentu ne'ebe apoiu nee laos motorizada mesak deit, maibe'e inklui mos makina nebe'e atu hodi detekta ba iha

droga ninian, nebe'e mak tama mai iha TL iha lina fronteira," dehan Kalen Stanton iha Kuartel Jeral PNTL, Kaikoli Dili, Tersa, (03/02/2015).

Nia fiar katak ba oin ho ajuda sira nee, atu bele fasilita diak liu tan servisu PNTL ninian, liu-liu area atu detekta atividade droga sira nebe'e mak sempre tama liu husi lina fronteira. Tanba nee ho ajuda motorizada 15 nee atu fasilita diak liu tan servisu PNTL ninian.

Iha fatin hanesan Segundu

Komadante Jeral PNTL, Komisariu Polisia Afonso de Jesus, informa tan katak, iha tinan liu ba kotuk sira fornese ona ekipamentu balun hanesan komputador 13 no kareta tolu

Ohin Embaixadora rasik hatete katak iha tinan liu ba kotuk sira mos fornese ona ekipamentu hanesan komputador 13 ho mos kareta tolu.

Nia esprika tan katak, motorizada hamutuk 15 ho ekipamentu sira seluk nebe atu

apoiu serbisu Polisia ninia, no mos fo apoiu ba polisia fronteira.

Adidu Siguransa EUA ba TL, Jason Molhler hatete mos katak motorizada no makina nebe mak sira fo ba PNTL atu bele apoiu serbisu polisia nian iha lina fronteira.

"Motorizada no nebe mak ohin ami fo ne,e atu fasilita deit ba sira nia serbisu iha area fronteira nian hodi nune,e bele sir abele halao nia servisu diak liu tan ba oin," dehan Jason. **Son/Luc**